

სახელმწიფო შესყიდვების შესახებ ხელშეკრულება N490

ქ. თბილისი

14 დეკემბერი 2021 წელი

ერთი მხრივ, შპს „რეგიონული ჯანდაცვის ცენტრი“ (ს/კ 236035517)

ხელმძღვანელობაზე/წარმომადგენლობაზე უფლებამოსილი პირი – დირექტორი – ნუგზარ ბოლქვაძე (შემდგომში „შემსყიდველი“) მისამართი: ქ.თბილისი მ. ასათიანის ქ. N9 და მეორე მხრივ, შპს მედიქალ ბიოს ჯორჯია (ს/კ 205 242 450), ხელმძღვანელობაზე/წარმომადგენლობაზე უფლებამოსილი პირი – დირექტორი – ნათია ბუხრაშვილი, „სახელმწიფო შესყიდვების შესახებ“ საქართველოს კანონის და პრეტენდენტის (შპს „მედიქალ ბიოს ჯორჯია“) სატენდერო წინადადების საფუძველზე, ელექტრონული ტენდერის (NAT210022686) ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.

1.3. „შემსყიდველი“ – ორგანიზაცია, რომელიც ახორციელებს მომსახურების შესყიდვას.

1.4. „– პირი, რომელიც ახორციელებს მომსახურების მიწოდებას ხელშეკრულების ფარგლებში.

2. ხელშეკრულების საგანი

2.1. ხელშეკრულების საგანს წარმოადგენს შპს „რეგიონული ჯანდაცვის ცენტრი“-სათვის – CPV 50421000 - სამედიცინო მოწყობილობების შეკეთება და ტექნიკური მომსახურება, რომელიც უნდა განხორციელდეს, მოთხოვნიდან 48 საათის განმავლობაში, 2022 წლის 1 იანვრიდან 2022 წლის 31 დეკემბრის ჩათვლით, შემდეგ მისამართებზე:

1. ქ. ხარაგაული, დევდარიანის ქ. N41;
2. ქ. ლანჩხუთი, ჭანტურიას ქ. 21;
3. ქ. დედოფლისწყარო, ნატროშვილის ქუჩა;
4. ლენტეხი, მეშველიანის ქ. N4;
5. ხარაგაულის რაიონი, სოფელი ბორითი
6. ცაგერი, რუსთაველის ქ. N31
7. ამბროლაური, ბრატისლავა-რაჭის ქ. N11
8. ონი, ვახტანგ მე-6 ქ. N10;
9. გუდაური, გუდაურის გადაუდებელი სამედიცინო ცენტრი;
10. სტეფანწმინდა, ყაზბეგის ქ.35;
11. თიანეთი, რუსთაველის 75;
12. ბაკურიანი, კობა წაქაძის ქ.2;
13. წალკა, თაყაიშვილის ქ.4;
14. თეთრიწყარო, რუსთაველის ქუჩა;
15. ზუგდიდი დ. აღმაშენებლის ქ. N222
16. ახმეტის რაიონი, სოფ. დუისი
17. დმანისი, წმინდა ნინოს ქ, N37
18. ქუთაისი, ჩხობაძის ქ. N20

3. ხელშეკრულების ღირებულება

3.1. ხელშეკრულების ჯამური ღირებულება შეადგენს 20 000 (ოციათასი) ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

4.1. მომსახურების ღირებულების ანაზღაურება განხორციელდება ფასების ცხრილში მითითებული ფასების შესაბამისად, უნაღდო ანგარიშსწორებით, ფაქტობრივად მოწოდებული მომსახურების ღირებულების შესაბამისად, საანგარიშსწორებო დოკუმენტაციის გაფორმების საფუძველზე, მიმწოდებლის მიერ მითითებული რეკვიზიტების მიხედვით.

4.2. ანგარიშსწორება განხორციელდება, მხოლოდ მომსახურების მიღება-ჩაბარების აქტისა ან/და შესაბამისი დოკუმენტაციის გაფორმებიდან არაუგვიანეს 10 (ათი) სამუშაო დღის განმავლობაში, ფაქტობრივად მიღებული მომსახურების ღირებულების შესაბამისად.

4.3 ჩატარებული მომსახურების სახეობა და ღირებულება თითოეულ შემთხვევაში განისაზღვრება შესაბამისი დეფექტური აქტისა და ტექნიკური მომსახურების ფორმით, რომელიც აუცილებლად უნდა შეთანხმდეს შემსყიდველთან;

5. მიღება-ჩაბარების წესი

5.1. მომსახურება ჩაითვლება მიღებულად მხოლოდ მხარეთა მიერ გაფორმებული შესაბამისი (მიღება-ჩაბარების აქტი ან/და სასაქონლო ზედნადები) დოკუმენტაციის ხელმოწერის შემდეგ.

6. ხარისხი

6.1 მომსახურების ხარისხი უნდა შეესაბამებოდეს დადგენილ სტანდარტებს.

7. მხარეთა უფლება-მოვალეობანი

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და მომსახურების ხარისხის ინსპექტირება.

7.2. შემსყიდველი ვალდებულია:

ა) უზრუნველყოს მიმწოდებლის მიერ მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.3. უფლებამოსილია:

ა) მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. ვალდებულია:

ა) საჭიროების შემთხვევაში, შემსყიდველის მითითებით მოახდინოს აპარატურის დემონტაჟი და მონტაჟი;

ბ) შემსყიდველს გაუწიოს მომსახურება მოქმედი ნორმებისა და წესების დაცვით, სათანადო ხარისხის და სრული ტექნიკური უზრუნველყოფით იმ ვადაში, რომელიც მითითებულია ხელშეკრულებაში;

გ) განმეორებითი (იგივე) დაზიანების გამოვლენის შემთხვევაში, თუ აღნიშნული გამოწვეულია სამუშაოს უხარისხოდ შესრულების გამო, მიმწოდებელი ვალდებულია აღნიშნული სამუშაო ჩაატაროს ხელმეორედ ანაზღაურების გარეშე;

დ) მომსახურების გაწევასთან დაკავშირებულ ყველა ხარჯს (სათადარიგო ნაწილების, სახარჯი მასალების და მივლინების) გაიღებს, რაც საბოლოო ჯამში აისახება მომსახურების ღირებულებაში; (სათადარიგო ნაწილების, სახარჯი მასალების და მომსახურების ფასები უნდა იყოს ადგილობრივ ბაზარზე არსებული საბაზრო ღირებულებების ადეკვატური).

ე) იმ შემთხვევაში თუ შემსყიდველი თვითონ მიაწვდის დაზიანებულ აპარატურას მიმწოდებელს, დაზიანების დადგენა და აღმოფხვრა მოახდინოს გონივრულ ვადაში;

ვ) მოთხოვნის შემთხვევაში - ადგილზე მისვლით ჩაატაროს დაზიანებული აპარატურის დათვალიერება, დიაგნოსტიკა, დაზიანების აღმოფხვრა და ინსტალირება;

ზ) შემსყიდველთან შეთანხმდეს ჩატარებული მომსახურების სახეობა და ღირებულება თითოეულ შემთხვევაში შესაბამისი დეფექტური აქტისა და ტექნიკური მომსახურების ფორმით.

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი პირი ან პირთა ჯგუფი, კერძოდ, შესაბამისი სამედიცინო დაწესებულების მენეჯერები.

8.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად მომსახურების მიწოდების ვადებისა და ხარისხის კონტროლს.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

9.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა (ფორს – მაჟორი)

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს–მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

10.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. მხარეთა პასუხისმგებლობა

11.1. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება პირგასამტეხლოს სახით, კერძოდ: შეუსრულებელი ვალდებულების 0,5%-ის ოდენობით ყოველ გადაცილებულ დღეზე.

12. დავები და მათი გადაწყვეტის წესი

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1. ხელშეკრულება ძალაში შედის მასზე ხელმოწერის დღიდან და მოქმედებს 2023 წლის 31 იანვრის ჩათვლით.

14. სხვა პირობები

14.1. ხელშეკრულება შედგენილია ქართულ ენაზე, ერთ ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმომწერ მხარეებთან.

მხარეთა რეკვიზიტები

შემსყიდველი	მიმწოდებელი
შპს „რეგიონული ჯანდაცვის ცენტრი“ (ს/კ 236035517)	შპს „მედიქალ ბიოს ჯორჯია“ (ს/კ 205 242 450)
დირექტორი ნუგზარ ბოლქვაძე	დირექტორი - ნათია ბუხრაშვილი
საბანკო რეკვიზიტები: სს „ლიბერთი ბანკი“ ბანკის კოდი: LBRTGE22 ანგარიშის ნომერი: GE86LB0113112241617000	საბანკო რეკვიზიტები: სს „თი ბი სი ბანკი“ ბანკის კოდი: TBCBGE22 ანგარიშის ნომერი: GE 26 TB 3435 9360 2010 0001